

Maman!



Progjet promovût di 'Il Friuli' e 'ARLeF'

IL CJANTON DE CJANÇON

IL TEMPORÂL

(Peraulis di Daria Miani;
musiche di Flaviano Miani)

*Lamps e tons un grant sdramàs
folc, saetis a fasin scjas.*

*Al sofle l'aiar di burlaç
al pues jessi un brut scravaç.*

*Chest si clame temporâl
cuant che al rive jo o stoi mâl.*


*Tu lu sâs sigûr tant ben
che po al torne il seren!*

Piçule cerce de cjançon "Il temporâl".
O podês scoltâle dute te pontade
di Maman! di cheste setemane su
Telefriuli.

ZESSUT/S

TOCUT/S
DI ZES PAR
DISSEGNÂ

CJÂR DIARI,



il veri de cusine mi fâs
viodi il mont plui grant.

Lis gotutis a
sbrissin
di man
çampe

a man drete e di
sù fin jù. A corin
sveltis e no si
fasin cjàpâ!
I arbui dal zardin
no son plui verts,
ma grîs.

Lis rosis fûr te terace
no son plui zalis, ma
grisis.

Orpo, ancje jo se mi cjali tal riflès

dal veri, o soi grise. Ceste ploie
mi à propit stufade!

E je ore di dâi colôr a
che a son i zessuts
colorâts de mê
paronute.

Ju fâs a fruçons
ben e cu lis
talputis ju
messedi. O
disegni e o pituri
il veri de cusine.

Cumò o viôt il mont
plui colorât.

Une bussade,

Lumi



LIS AVENTURIS DI VIGJI E LUMI

ZÛCS

Cîr e cercle inte imagjin:



- la cuvierte a cuadretuts
- l'armâr
- la cjandelute

Imagjin de pontade di Maman! dal prin di Març dal 2019.
Torne a viodile tal sît de ARLeF (www.arlef.it)

Maman! Une gnove
aventure ogni
setemane. Us din
apontament su

telefriuli



vinars aes 5.45 sot sere

Tant par ridi


Pierut al à di scrivi
un teme che al
à chest titul:
"Aiar, folcs e
tons".



Lui alore al pense
e al scrîf: "Joi, ce
timpat!"

LU SAVEVISO CHE...?

■ Sienziâts a àn
calcolât, cun imprescj
une vore particulârs,
che in dut il mont,
intune zornade, a
puedin tacâ 1800
burlaçs.



Pagjine curade di Daria Miani
e dal Sportel Regjonâl
pe Lenghe Furlane de ARLeF

ARLeF
AGENZIE
REGJONÂL
PE LENGHE
FURLANE